

پگڑی سنہال جٹا

پنجاب یونیورسٹی دے اک ماہر دی رپورٹ ہے کہ چڑھدے پنجاب دے کساناں لئی ہُن وساکھی دا تیوہار کوئی خوشی دا تیوہار نہیں رہیا کیونکہ ۶۵ لاکھ کسان قرضیاں دی جکڑ وچ ہن۔ دسیا جاندا ہے کہ پنجاب دے عام کسان دے سِر اوستن ۴۵ ہزار روپے قرضہ ہے اتے سودخور ۲۴-۱۹ فی صدی ویاج لیندے ہن۔ ایہ قرضہ ساریاں صوبیاں نالوں زیادہ ہے۔ رپورٹ دسدی ہے،

راہ اوہ راج ہے جہنوں مُلک دے اناج دا بہنڈارا کیہا جاندا ہے۔ اس راج وچ کیہ ہو رہیا ہے جتھے ہرا انقلاب آیا ہے؟ اس بارے سوچن دی لوڑ ہے اتے مثلیاں دے حل لہن دی لوڑ ہے نہیں تاں سارے مُلک وچ سنگین حالات پیدا ہو سکدے ہن۔

رپورٹ مطابق ۳۶ لاکھ کسان ہُن کھیتی باڑی دا جدی پُشتی دھندا چھڈنا چاہندے ہن کیونکہ ہُن ایہ لاپے وند نہیں۔ کساناں نوں کھیتی توں گجھ نہیں بچدا تے ہر سال قرضہ وڈھ جاندا ہے۔ لاگت ودھدی جاندی ہے اتے اوس حساب نال فصلاں دی قیمت نہیں ملدی۔ پنجاب دے ۴۳ لاکھ کسان کھیتی باڑی کرنا ہُن پسند نہیں کردے اتے ہندوستان دے دوسرے صوبیاں وچ وی ۶۶ لاکھ کسان ہُن کھیتی کرنا پسند نہیں کردے کیونکہ اس وچ

اوناں نوں گُجھ بچدا ہی نہیں۔ زیادہ تر کسان محسوس کردے
ہن کہ چھوٹے کساناں لئی کھیتی باڑی ہن لاپے وند نہیں
رہی۔ پنجاب دے اتے ۶۶ گ کسان چھوٹے اتے غریب کسان
ہن۔ سرکاری انکڑیاں مطابق پنجاب چ ۶۵ گ کساناں کول زمین
دا ۳۰ حصہ ہے۔

کیندری اتے پنجاب سرکار دے ماہر وی ہن کساناں نوں
ایہو مت دے رہے ہن کہ اوناں نوں کھیتی چھڈ دینی
چاہیدی ہے تے کسے ہور کاروبار چ پے جانا چاہیدا ہے۔
پنجاب ایگریکلچر یونیورسٹی دا سابقہ وائس چانسلر ڈاکٹر
کلکٹ، جو ہن پنجاب سٹیٹ پھارمرز کمیشن دا پردھان ہے،
ہن کساناں نوں ایہ رائے دے رہے ہن کہ اوناں نوں
کوئی چھوٹا موٹا کاروبار جاں نوکری کر لینی چاہیدی ہے اتے
اوہ اس لئی سرکار نوں سفارش کر رہے ہن کہ کساناں
نوں ایہو جیہا کم دھندا کرن لئی اوناں دی اک لکھ
روپے دے کے مدد کرے۔

سرکاری اتے غیر سرکاری رپورٹاں اتے سفارشاں توں صاف
ظاہر ہے کہ پنجاب سرکار اتے کیندری سرکاراں کساناں دے
مسئلے حل کرن وچ کوئی دلچسپی نہیں رکھدی۔ انہاں دی سفارش
تاں ایہ ہی ہے کہ کساناں نوں کھیتی باڑی چھڈ کے گجھ
ہور کم دھندا جاں نوکری کرنی چاہیدی ہے جس نال انہاں
چھوٹے کساناں دیاں زمیناں وڈے ذمیندار جاں کمپنیاں

خرید کے اپنے قبضے وچ کر لین۔ انہاں کول کساناں دے
 قرضیاں دا، اوناں دی غریبی دا، کوئی حل نہیں ہے۔ آج
 کل پنجاب وچ اک لکھ روپے نال کوئی وی ایہو جیہا
 کم نہیں شروع ہو سکدا جہدے نال اک کسان دے پریوار
 دا گزارہ ہو سکے۔ چھوٹے وپاری وی قرضے ہیٹھ دے
 ہوئے رو رہے ہن۔ بے روزگاری وی دنوں دن ودھ رہی
 ہے۔ ایہ کسان کھیتی باڑی چھڈ کے پور کھ کر رہی
 اوناں نوں بڑے سبزباگ وکھاؤن دی کوشش کر رہی ہے۔
 منموہن سنگھ نے اعلان کیتا ہے کہ ہن دوجے ہرے انقلاب
 نال دہاتی علاقیاں وچ خوش حالی لیاندی جاوے گی۔ کساناں نوں
 ایہو جے لارے ۴۰ سال پہلاں وی سرکار آتے بینکاں نے
 لائے سی۔ پر کساناں وچ قرضہ آتے خدکشی ودھدے ہی جا
 رہے ہن آتے ودھدے رہنگے۔

کساناں نوں اپنی قسمت دے فیصلے اپنے ہتھ وچ ہی لینے
 پینگے۔ پنجاب آتے کیندری سرکار نے جو ڈویلپمینٹ دا
 دور چلایا ہے اس نال تباہی تے اجاڑا یقینی ہے۔ کساناں
 سر چڑھے ہوئے قرضے اس ہرے انقلاب آتے ڈویلپمینٹ
 دے ہی نتیجے ہن۔ کساناں نوں ایہ نظام بدلنا پویگا۔
 اوناں نوں اکٹھے ہو کے منڈی آتے سرکار دی ہینکڑشاہی
 نوں آتے اپنی بیوسی نوں ختم کرنا پویگا۔ جنہاں چر
 اوناں دی فصل دیاں قیمتاں آتے لاگت مٹھنا سرکار جاں

منڈی دے ہتھ وچ بے اناں چر کساناں نوں بھگھ، قر ضے
آتے غریبی توں چھٹکارا ملنا مُمکن نہیں۔ اس نظام نوں
بدل کے ہی اوہ آپنی خوش حالی آتے مُکتی دی آس کر سگدے
ہن۔

بھگھ آتے قر ضے دی جکڑ چوں نکلن لئی اوناں نوں
شہراں دے مزدوراں، چھوٹے وپاریاں، مُلازماں آتے بے روزگار
نوجواناں نال رل کے اس نظام دے خلاف گھول چلاؤن دی
لوڑ ہے۔ اکالی پارٹی، کانگرس، بہاجپا، شیپیقائیۃ (ایم) جان
ہور کوئی وی سیاسی پارٹی انہاں مثلیاں نوں حل کرن وچ
کوئی دلچسپی نہیں رکھدی۔ ایہ ساریاں ہی پارٹیاں اسے نظام
نووں برقرار رکھن دیاں قائل ہن۔ انہاں دی مدد نال کساناں
دی پگ نوں سرکار آتے منڈی اپنے پیراں ہیٹھ لتاڑ رہے
ہن۔ کساناں نوں آپنی پگ آپ سنبھالنی پویگی، اپنے مسئلے
آپ حل کرنے پینگے۔ ایہدے لئی کساناں نوں اکٹھے
ہو کے نوں اک نویں یڈھ-نیتی بناؤن دی لوڑ ہے۔